

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- दक्खनी कश्मीर दे पुलवामा जिले दे नेहामा इलाके च सुरक्षाबलें ते आतंकवादिएं बश्कार टाकरा भखी पेआ ऐ। होर ब्यौरे गी अजें बलगेआ जा करदा ऐ।
- उपराज्यपाल मनोज सिन्हा होरें आखेआ ऐ जे राई-बाई दे खेतरै च कीते गेदे सुधार जम्मू कश्मीर दे राई-बाई आधारित उद्योग च उद्यमिएं लेई केई नमें मौके पैदा करै करदे न।
- जम्मू कश्मीर च 5 लोकसभा हल्के च कल होने आली लोकसभा चुनाएं दे वोटें दी गिनतरी लेई कुल 9 केन्द्र खडेरे गेदे न।
- इस ब'रे दे पैहले 5 म्हीने दरान श्री माता वैष्णो देवी जी दी यात्रा करने आले श्रद्धालुएं दी गिनतरी 40 लक्ख दे आंकड़े गी पार करी गई ऐ।

<><><><><><>

JK Encounter

दक्खनी कश्मीर दे पुलवामा जिले दे नेहामा इलाके च हुनै शा किश चिर पैहले सुरक्षाबलें ते आतंकिएं बश्कार टाकरा भखी पेआ ऐ। पुलसै मूजब इलाके च आतंकवादिएं दी मजूदगी बारे थ्होई दी पक्की सूह पर कारवाई करदे होई पुलस, फौज ते सीआरपीएफ दी इक सांझी टीमै कारवाई करदे होई घेराबंदी करियै तपाशी अभियान चलाया। उआं सुरक्षाबलें दी एह सांझी टीम जिसलै संदिग्ध थाहर बक्खी बधा'रदी ही, तां उत्थें छप्पे दे आतंकवादिएं उंदे पर गोलीबारी शुरू करी दित्ती, जेह्दे मगरा टाकरा भखी गेआ। तोआई खीरी रिपोर्ट थ्होने तगर टाकरा जारी हा ते होर ब्यौरे गी अजें बलगेआ जा'रदा ऐ।

<><><><><><>

LG-Sinha

उपराज्यपाल मनोज सिन्हा होरें कल वाराणसी, कानपुर, कोलकाता, बेंगलोर, प्रयागराज समेत मुल्खै दे बक्ख-बक्ख हिस्सें थमां आए दे कारोबार ते उद्योग प्रतिनिधिएं कन्नै राजभवन च मलाटी ते गल्लबात कीती। इस मौके उपराज्यपाल होरें उंदे कन्नै जम्मू कश्मीर च आंदे गेदे सकारात्मक बदलाव ते सुधारें दे सफर दे अनुभव सांझे कीते ते कन्नै इत्थें रास पूंजी लाने आलें गी दित्ती जा'रदिएं सुविधाएं, समर्थन ते दौ रियायतें दी बी जिक्र कीता। मनोज सिन्हा होरें आखेआ जे पूरी प्रशासन नै जम्मू कश्मीर दे लोकें दिएं आसे तांगे गी पूरा करने लेई पक्का निश्चा कीते दा ऐ ते पिछले किश ब'रे दरान इत्थें सदा थमां मता विकास होआ ऐ जेहड़ा इत्थें रमानदारी, तरक्की, खुशहाली दे कन्नोकन्नी सरकार दे कम्में च पारदर्शता ते जवाबदेही जकीनी बनाने दे साढ़े पक्के धेइयै दी तस्दीक करदा ऐ। उपराज्यपाल होरें आखेआ जे जम्मू कश्मीर च हालात च सुधार ते सुविधाएं च बाद्धा होने कन्नै इत्थें ओने आले सैलानिएं दी गिनतरी केइं गुणा बधी गई ऐ, रासपूंजी लाने आले लेई प्रोत्साहन देने कन्नै मते निवेशक इत्थें आ करदे न जेहूदे नै जम्मू कश्मीर दे आर्थिक विकास च बी खरा मता बाद्धा दिखने गी लब्धा करदा ऐ। उनें आखेआ जे राई-बाई दे क्षेत्र च सुधार आन्नियै नमें उद्यमिएं लेई केई मौके पैदा कीते गे न।

<><><><><><>

Conuting Lok Sabha

लोकसभा चुनां 2024 दे वोटें दी गिनतरी कल होग। एहूदे इलावा कल गै आंध्रप्रदेश ते ओडिशा च होए दे विधानसभा चुनाएं ते किश होर विधानसभाएं दे उप-चुनाएं दे दे वोटें दी गिनतरी बी कीती जाग। वोटें दी गिनतरी दा कम्म बडलै 8 बजे शुरू होग ते एहूदे रूझान ते नतीजे कन्नो-कन्नी चुनां आयोग दी वैबसाईट पर results.eci.gov.in दे इलावा वोटर हैल्पलाइन ऐप पर बी उपलब्ध होंगन। वोटर हैल्पलाइन ऐपग ी गूगल प्ले स्टोर जां ऐपल प्ले स्टोर परा बी डाउनलोड कीता जाई सकदा ऐ। आयोग नै रिटर्निंग अफसरें ते काउंटिंग एजटें लेइ इक बुकलेट बी जारी कीती ऐ जेहड़ी इस्सै वेबसाइट पर उपलब्ध ऐ। आयोग नै दस्सेआ ऐ जे वोटें दी गिनतरी दे प्रवधन, प्रक्रिया, ईवीएम ते वीवीपीएटी दे रखरखाव लेई लोडचदे निर्देश नियमें बगैरा बी वेबसाइट पर उपलब्ध रखे दा ऐ।

<><><><><><>

Counting-JK

लोकसभा चुनां दे नतीजे घोषत होने च हुन जिसलै शड़ा इक ध्याड़ा रेही गोदा ऐ, समूलचे जम्मू कश्मीर व बी वोटें दी गिनतरी लेई सब्बै इंतजाम करी लैते गोदे न। जम्मू कश्मीर दिएं कुल 5 लोकसभा सीटें दे वोटें दी गिनतरी लेई कुल 9 मतगणना केन्द्र बनाए गोदे न। एह्दे इलावा जम्मू कश्मीर दे वोटें दी गिनतरी लेई इक काउंटिंग सेंटर दिल्ली च बी बनाया गोदा ऐ जित्थें बारामुला, श्रीनगर ते अनंतनाग—राजौरी लोकसभा सीटें लेई विस्थापक कश्मीरी माइग्रेटें दे वोटें दी गिनतरी कीती जाग। अधिकारिक जानकारी मूजब मतगणना आले केन्द्रें पर सुरक्षा ते काउंटिंग स्टाफ दी तैनाती सनें सारे बंदोबस्त करी लैते गोदे न। जम्मू कश्मीर दिएं 5एं लोकसभा सीटें पर कुल मलाइयै रिकार्ड 58.46 प्रतिशत मतदान दर्ज कीता गोआ ऐ जेह्दा पिछले 35एं ब'रें च सब्बने शा मता ऐ।

<><><><><><>

Kathua Counting Centre

डोडा—कठुआ—उधमपुर लोकसभा हल्के लेइ वोटें दी गिनतरी कल 4 जून गी सरकारी डिग्री कालेज कठुआ च कीती जाग जेह्दे लेई सुरक्षा सनें लोड़चदे सब्बै जरूरी बंदोबस्त कीते जा'रदे न। एसएसपी कठुआ अनायत अली चौधरी हुंदी दिक्ख—रिक्ख च डिग्री कालेज दे अंदर ते आले दुआले दे इलार्के च सुरक्षा बंदोबस्त निगगर करी दित्ते गोदे न ते इस सारी प्रक्रिया गी पूरी चाल्ली सुरक्षत ते बवस्था आले ढंगै सिर तोड़ चाढ़ने लेई झूठे—मूठे दा भ्यास यानि मॉक ड्रिल्ल दा सरिस्ता बी कीता गोआ। आकाशवाणी कन्नै गल्ल करदे होई एसएसपी कठुआ अनायत अली चौधरी होरें आखेआ.....

<><><><><><>

UPI

भारत दी मशहूर भुगतान प्रणाली यूनिफाइड पेमेंट इंटरफेस यूपीआई नै लैन—देन च मई म्हीने च 20.45 ट्रिलियन रपे दे 14.04 बिलियन लैन—देन दा नमां रिकार्ड स्थापत कीता। नैशनल पेमेंट्स कारपोरेशन ऑफ इंडिया आस्सेआ सांझे कीते गोदे आंकड़े च आखेआ गोआ ऐ जे एह् मई 2023 दे मकाबले 49 प्रतिशत ते मूलें च 39 प्रतिशत बद्ध न। अप्रैल 2016 च यूपीआई शुरू होने परैत मई दे मजूदा आंकड़े मुल ते मिकदार साब्वै सब्बने शा बद्ध न।

<><><><><><>

Shri Vaishno Devi Pilgrims

श्री माता वैष्णो देवी जी दी यात्रा नै इस बरे दे पैहले 5एं म्हीने दरान 40 लक्ख दा आंकड़ा पार करी लैता ऐ, जिसलै के शड़े मई म्हीने दरान गै माता दे दर्शन लेई औने आलें दी गिनतरी 10 लक्ख कोला मती ऐ। मई म्हीने उआं हर बरे स्कूलें च सोए दी छुट्टिएं चलदे श्रद्धालुएं दा रश बधी जंदा ऐ। शड़ा मई गै इक ऐसा म्हीना ऐ जेहदे च 10 लक्ख कोला मते यात्रु आए न, एहदे शा पैहले अप्रैल म्हीने श्री माता वैष्णो देवी जी दे दरबार च मत्था टेकने आलें दी गिनतरी 10 लक्ख कोला 45 ज्हार घट्ट ही। जिस चाल्ली लोकें दा माता दे दरबार च औने दा रूझान चले करदा ऐ तां ऐकती बी 2023 आंगर एह यात्रा 10 मीलियन यानि 1 करोड़ दे कोलकाल जां एहदे कोला पार जाई सकदी ऐ। रश गी दिक्खदे होई सुरक्षा सनें लोड़चदे होर सब्बै बंदोबस्त कीते गेदे न।

<><><><><><>

DC-Doda

डोडा दे डिप्टी कमीशनर हरविंदर सिंह होर गंदोह सदर थमां तकरीबन 23 किलोमीटर दूर चंगा-भाल पदरी शिड़क दा मौके पर जाइयै निरीक्षण कीता। उंदे इस दौरे दा मकसद शिड़क निर्माण दे कम्में च हासल प्रगति दा जायजा लैना ते इस परियोजना कन्ने मत्तल्लक बकाया पेदे मामलें गी सुलाह-सफाई कन्ने हल करोआना हा। सिंह होरें संपर्क गी बधाने ते इलाके दे समाजी-आर्थिक विकास लेई कम्में गी बेल्ले सिर सबूरा करने ते कम्में दे मय्यार गी बरकरार रखने दे महत्वै पर लोह पाई। डिप्टी कमीशनर होरें सब-डिवीजन गंदोह दा बी ध्याड़े भरै दा दौरा लाया ते खित्ते च जारी विकास सरबंधी गतिविणिएं दा निरीक्षण कीता। उनें एसडीएम गंदोह दे प्रशासनिक ब्लाक दा दौरा लाइयै सार्वजनिक सेवाएं दी असरदार दस्तेयाबी दे कम्में च आवै करदी चुनौतिएं गी बी समझोआ। उनें गंदोह आले उपजिला अस्पताल दा निरीक्षण कीता ते मैडिकल अमले दी हाजरी ते जरूरी दुआइएं दी दस्तेयाबी बारे जानकारी लैती। उनें गंदोह आले प्राथमिक सेहत केन्द्र ते तैहसील दफतर दा बी दौरा लाइयै उत्थें जारी कम्में दी दिक्ख-सुन कीती। उनें सरबंधत अधिकारिएं गी आखेआ जे ओह समुदाय दे कल्याण लेई अपने खरे कम्में गी बरोबर जारी रखन।

<><><><><><>

Holy Mace

श्री मिंदल माता यात्रा दी पवित्र छड़ी दे किशतवाड़ पुज्जने दे कन्नै गै 2024 दी इस सलाना यात्रा दा शुभारंभ होआ। सैंकड़े दी गिनतरी च श्रद्धालु इस छड़ी यात्रा च शामिल हे। उत्थें पुज्जने पर छड़ी यात्रा दा जोरदार सुआगत कीता गेआ। पवित्र छड़ी नै मिंदल माता मंदरै लेई अपनी यात्रा कल पाङ्डर थमां शुरू कीती ही ते इसी एसएसपी अब्दुल क्यूम होरें झंडी दस्सियै अगगे रवाना करोआया हा।

<><><><><><>

Sonamarg

गांदरबल जिले दे सोनामर्ग इलाके च बर्फू दे इक बड्डे ल्हास दे लपेटे च आए दे त्रुं जनें चा दऊं गी बचाई लैता गेआ ऐ, जिसलै जे इक अजे बी लापता ऐ। लापता आदमी इक मकामी बसनीक दस्सेआ जा'रदा ऐ जिसलै जे बचाए गेदे दवै सैलानी न। खीरी जानकारी थोने तगर लापता आदमी गी तुप्पने लेई कारवाई जारी ही।

<><><><><><>